

傳通良宗見

玄義分
四本

秋

受領第	149691	號	二六	冊
十門	七	部	五二	號
明治	三三	年	三	月
淨土宗	秘	所寄贈		



0931	貴	年
14	重	月
8	書	日
佛教大學藏書		
第 149691 号		





觀經玄分義傳通記第四見聞本

▲本曰三辨宗旨等事

十一字標等者問前二門各有結第三已下五門何無

結哉 答但是自然略又七門中大分為三第一大意

第一釋名第三已下入文判釋同文中故中間不置結

也▲本 三辨釋等者七門中初二及第七安第字中

間四門無第字又第六門中後五門皆安第字其意如

何 答自然具略無別意又七門列中安別第字及於

初後顯中間又第六門中六門列不安第字亦子改正

釋初不安第字後五門云第大科小科雖異歎畧互顯

也○標章等者言第三門有通局意依文釋義通五門



宗旨教相限第三門然上列章通局並舉今略去通依
文釋義標局宗教云問下論二教攝不何不標漸頓不
出大小中謂頓局大漸通大小故標大小撰漸頓欬又
私云七門中初二門文前也第三已下文中法門也故
上列章云第三依文釋義再往言之七門惣文前玄義
也下結云惣是文前第二卷已下正文釋也頓此意今
略依文釋義欬問宗旨教相其差別如何答教通
一經宗限二行教是能詮宗是所詮也若約能所相應
邊其義相似也問宗旨教相其義別何不為別章哉
答宗旨教相多似其文少故合為一段問設雖文
少而義分最要也方可為二段故遠師立五要云一教

大小二教局漸頓三經宗趣四經名不同五說差別上已
靈芝亦立四門一教興來致二攝教分齊三辨定宗旨
四料簡異同上已若據文少今說人門何為別章答諸
師解釋開合意變異也雖合宗教無沒要義故不足為
難說人差別無似類門故為一章無咎者也此中解釈

故一字下
而書彼抄

宗教相似者教通一經宗局二教是能詮宗是所詮
能所相應故云相似○遠師第者彼疏云何者五要
第一須知教之大小教別二藏謂聲聞藏及菩薩藏
教聲聞法名聲聞藏教菩薩法名菩薩藏此經乃是
菩薩藏收第二須知教局漸及頓小教名局大從小

入用之為漸大不由小謂之為頓此經是其頓教法
輪何故得知此經正為韋提希說下韋提希是其凡
夫說不從入小故知是頓第三須知經之宗教如下
第四須知經名不同諸經立名差別不等或有就法
如涅槃經般若經等或就人如薩和檀太子經等
或有就喻如金光明經大雲經等或有就事如枯樹
經等或復就所如伽耶山頂經等或復就時六時經
等或人法為名如勝鬘經等或事法雙舉如彼方等
大集經等或法喻並陳如法花經法鼓經等如是非
一今此經者人法為名佛是人名說觀是其法名第
五須知說人差別諸經起說凡有五種龍樹菩薩辨

一佛自說二聖弟子說三諸仙說四諸天神

說已上略鈔○靈芝等者彼疏云已上良心此中有三段

弘決一云等者是不知釋何事若釋法華宗歟若尔者
法華一代中尊獨故云尊法師三說藥王十喻皆是法
華家尊義也又釋五重玄中宗欵若尔名躰設雖實相
若無修行得果義者機益不成若無明證不能外用教
化故約行者得益宗是最尊也云○法華玄等者釋五
重玄中宗義也○明廣菩薩戒筆者釋經宗也一經始
終云始末也指經本云依體言護持菩薩戒趣佛果為
經躰也又依戒體護持為要以實相理即為戒體此戒
德趣佛果為趣云因問大小乘戒持得時節如何

卷小乘戒但盡形也。隔生即亡可有破戒免故。大乘盡未來際也。期佛果受持故。梵網宗要云。又比丘戒隨命。即捨菩薩不介。雖轉餘生。戒隨遂故。又契經說。一切菩薩。凡聖戒。盡心為體。是故心盡戒亦盡。心無盡故。戒亦無盡。比此文心者。善提心也。此次良心解。一字下而書之。

語之等者。彼疏云。第三宗趣者。語之表曰宗。今所歸曰趣。然前物後別。愆以三種般若為宗。一實相謂所觀。直性觀照謂幽觀。妙惠三文字謂詮。上言教不越此三。故以為宗。亦有三一教義一體。以文字為宗。餘二義為趣。二境知一躰。真空境為宗。觀察智為趣。三因果一體。以菩薩因行為宗。以菩薩果為趣。上心經

言音所貴。畢竟皆空理也。此理所趣。即佛果也。經云。依般若波羅密多。故得阿耨菩提。則此義也。准之今經。言說所貴。兩三昧也。此宗趣。往生淨土。云。○周梵筆者。宗趣義同。明瞻疏。云。已上良心。此中。傑文不見。今記。

靈芝等者。彼疏立四門。第一觀經來由。如今玄義序題。門第二漸頓大小等。如今教大小。第三宗旨門。觀為宗。第四結今經諸經同異也。今所引文。第三門也。○乃有三義筆者。初寂勝義。二三能所相對。二能為宗。三所為宗。二義俱舉。譬顯法。獨尊義者。彼師存十六定善義。於一經立觀佛一宗。故於一須彌建立。內及一國中。用日王譬。問宗三義中。付初獨尊義不明。一經立宗不同。

也依宗家經、如今經立兩宗、如法華立本迹兩宗、其外或立五宗、或立七宗、若依此等、一經多宗、云何可叶獨尊義哉、答然宗字存三義上、何叶一義、云宗無過其上、如今經答請十三中、有觀佛獨尊義、自說九品中、成念佛獨尊義、如法華宗迹門十四品中、實相為獨尊本門十四品中、壽長遠為獨尊、故釋云迹門正意顯實相、本門正意顯壽長遠、此義也、餘經獨尊准之、應知若存一經多宗、可用一大千界、多日、振且一國多王、譬凡獨尊者、世無二王、國無二主、一世界無二佛、并出輪王、雙生事無之、此為獨尊義也、二者統攝者、以觀佛攝依報徒眾、譬網網攝諸目、表須攝諸毛、慈行抄云、別明題

目惣啓二門、一屬門之兩向、二演義之毛目、比是引兩向、毛目例非釋宗義也、云三歸趣者、依報徒眾歸佛、故用此譬耳、天台觀經疏云、譬如眾星之環北辰、如万流之宗東海、故以實相為經體也、比星必拱北者、七星名星、北辰為北、閻浮提比金輪星存、此名北辰、七星拱散、金輪星故繞南、亦也、合手敬重為拱義也、振且西邊有葱嶺山、此山水出流、振且東至國半分、河流南北、隔此河者、河東河西、江南江北也、云問、統攝歸趣其差別如何、答初統攝者、舉一攝万義也、先以觀佛宗釋之、舉觀佛一攝國土徒眾也、是即引觀佛網網、依報徒眾、諸目悉動、取觀佛表須、依報徒眾、諸毛、位寄是也、

次歸趣者歸敬義也譬如七星衆流譬是也依報徒衆必歸趣佛觀也云云又念佛限等者藤田定散諸行中念佛獨生因本願故云獨尊觀佛雖是非本願行且各請中成主伴故通三義也又依選擇集更存別義謂廢立義當獨尊義助正義當統攝歸趣傍正義難屬當性習不同執法各異故或當獨尊義正本願傍非本願故約教意當歸趣義舉傍益令歸正益故背佛本意不歸機失也云云私云獨尊者諸行非本願念佛故餘行念佛可並肩思絕無也是故大師釋云全非比校故具獨尊義計無具統攝歸趣二義也若念佛具二義可有餘行相對念佛思也既諸行非本願何念佛具二義々々俱

於一物成尊恃義故以此統攝下云如裘之頸歸趣下云星拱北踰既於一物等類成尊劣義○觀佛通三義等者各請十三疋善中觀佛獨主故有獨尊然具次下歸趣統攝二義時獨尊觀佛劣相下所以者何觀佛餘觀非本願故餘觀々々佛統攝雖有勝劣相同非本願方故余觀等觀佛成等輩思也譬如貧賤無福藤原氏者雖憑大福藤原者彼思樣隨果報勝劣且雖憑同氏故成一往等輩思故知劣法具二義也問依助正意念佛具三義如何答不介助正機心品怯弱起意樂助正兼行故機失不預法躰例如正雜兼行不爲當宗正機也有人難云觀佛具三義故三義究竟可勝念佛具

獨尊一義計故闕二義可劣如何答此義前已顯畢何
重致執難凡有多法劣可有之三經雜行雖無量有十
三失劣也經云不生釋云難生也一法勝可有之三經
如說稱名本願故經云多善根又云一向專念又云無
上大利或一法即劣可有之如唯願往生別時意一行
成佛別時意等或具多義勝可有之如願行具足往生
皆說方行成佛實說如此其例非一何設執難忘所望
不同義執多勝一劣義道能少可思擇之云○如涅槃
等者彼經悉有佛性為宗佛性常住不生不滅為涅槃
義涅槃言不生樂言不滅則此義也○華嚴法華等者彼
師意趣難知若約所說法攷華嚴法界唯心三昧為宗

法華諸法實相三昧為宗無量義經從一出多三昧欵

此次良心解款一字下而書之

各據意樂者淨歎舉七種綽公舉四

經今師舉二經以為其例只是廣畧各據意樂云又

依傳意和尚幼遇明勝法師講法華維摩大品經三

論宗所依經故今舉本宗所依二經欵云

良心

若依大集等者彼經大悲真忍等諸陀羅尼為所行也

○今此觀經等者問彼安樂集存十六定善義哉

不可然彼師不分兩三昧觀念稱名同名念佛又名觀

佛今此意也故集下云念佛為宗也宗家為分別助正

分別兩三昧名也云○或云江南等者是九品等覺明

義也此義下滌偏局義成自然舉二經義也○南北同

貴筆者法華玄第十出異解舉南北通用三教一頓教

是華二漸教分二一有相教謂阿二無相教謂般若

三不定謂勝鬘金光明等非漸而明佛性常住云南北三義者一庸丘山

及法師立三教頓不定如前漸分三一有教前如二無相

教謂般若三雙林常住教謂涅槃也二宗愛師法立三教頓

不定如前漸分四一者相教前如二無相教謂般若三同

歸教謂法華四常住教謂涅槃也三定林桑次二師道場觀法

師立三教頓不定如前漸分五一有相教前如二無相教

前如三廢貶抑揚教謂淨名思益四同歸教前如五常住教

前如北地七義者一有師立五時教一人天教謂經提二無

相教謂淨名余三南二菩提流支三藏立二教一半字

教謂十二年二滿字教謂十二年三佛陀三藏學士光

統立四宗一因緣宗謂毘曇二假名宗謂成論三誰相宗謂

法曰緣生故二相對假諸法長短等相對三誰相宗四護身法師開五宗四宗如

前五界宗華四耆闍法師開六宗四宗如上五真宗謂

華乃善六圓宗謂大集經六北地禪師明二種大乘一

有相大乘謂華嚴瓔珞二無相大乘謂楞伽七北地禪

師非四宗五宗六宗半滿但立一佛乘一音異解云云○

或云諸經筆者義主未辨維摩經說事々圓融故名有

相大品經說畢竟空故名空宗以此亦下舉南北師無

相宗偏破維摩屬有宗義邊也南地中方等攝淨名欽

唐書卷之...

不遮大品空宗邊也。又有下破不出空有若或云意存
二諦義俗諦名有真諦空。有攝屬諸經宗義然彼立
宗有空宗外立中宗義。故成此破法華意說諸法實相
故名同歸涅槃。意說佛性常住華嚴說法界唯心故名
法界皆是中道實相。異名云。曰問般若皆空法華實
相同異如何。答隨宗義別也。如法相宗般若屬第二
未了教法華攝第三中道教如三論宗皆空中同攝屬
般若法華如天台宗般若明法開會未明人開會故般
若即為法華方便。又般若但明雙非空未顯雙照中道
寂照名為佛果空不空也。菩提心論云妄心若起知而
勿隨妄若息時心源空寂。万德斯備妙用無窮。上。○真

如妙理等者初述理不思議次若證下还事不思議大
乘止觀下云第一圓融無身法界法門者問不空如來
藏者為一。一眾生各有一藏為生佛共一藏哉。答一切
生佛唯共一藏也。問藏躰具包染淨者為俱時。答有二
種一性染性淨二事染事淨。若性染淨無始俱時。若事
染淨有二種別一一一時具染淨二事二始終具何者
藏躰具各別性是無差之差也。一。一眾生性中從本以
來具六道四生苦樂好醜壽命形量等一切染法及三
乘因果出世淨法悉具不少也。以有染法性故能現一
切染事故以此藏名在障法身亦名佛性以有淨法故
能現一切諸佛淨德。故以此藏名出障法身亦名性淨

涅槃然諸般生雖各具二性以造業異故薰種子性成
種子用種子用別故於一時中受報不同或有成佛或
有人天或有三途以此而論藏心俱時有深淨二事如
一時中諸時亦爾然此凡聖於一時中雖受別報但回
緣之法無定故一々凡聖始終具深淨二事故一衆生
受地獄報無餘法等也問藏具如是法性爲有差別爲
無差別平實無差別是空如來藏然此藏體復有不思
議用故具一切法性即不空如來藏此蓋無差之差也
若如泥團具衆微塵藏身即不如是々眞實法圓融無
二是故藏身是一衆生一毛孔性如一衆生性一切生
佛亦復如是々故舉一衆生一毛孔性即攝一切衆生

所有世間法性一切諸佛所有出世法性如舉一毛孔
其餘一切世間出世間等攝法亦復如是何以故一切
世出世事即以世出世性爲性故世出世性融相攝
如明鏡身具一切像性有衆色生於一時中俱現一切
像又云第四事用相攝相者深淨體性圓融如此等法
深淨亦得無尋相攝若偏就分別妄執之事即一向不
融若據心性緣起依持之用即得相攝謂一切衆生悉
於一佛身中修行成道一切諸佛復在一衆生毛孔中
現此即凡聖多少相攝若十方入纖塵而不迤三世入
促念而能容故經云一々塵中顯現十方三世諸劫解
即一念蓋由相無自實起必依心々身既融相亦無尋

故一念即三世時劫一塵即十方世界問此等相攝不
虛聖人以自攝他以大收小促長演短合多離一何以
凡夫不得如此若凡聖理實同亦圓融但聖稱理施作
皆成凡情乖旨是故不得問聖人得理應不見別何小
納大若據真如平等實無差別不妨即寂緣起別相
問若幻真諦彼此差別不可大小相收若二諦一向異
躰可如來難今既以體作用名世諦用全是躰名為真
諦寧不相攝問躰用無二只可二諦相攝何得世事還
攝世事若今躰用無二者非如泥團但以世諦中一々
事相即真諦全體故云躰用無二是故若真諦攝世諦
中一々事即世諦中一々事亦攝世諦中一切事也此

取事理二各圓隔無尋為解脫義凡圓融有三一理々
圓融彼々事具理々圓融也二事理圓融諸法實相也
三事々圓融須彌芥子大海毛端大小長短相入無尋
也三義雖異融功能理德也佛國品下事々圓融相也
○山河容鎔者須弥入芥子大滄収毛端大小無尋混
乱如金鎔云○足指安地等者佛說隨其心淨即佛土
淨給時身子難云佛心穢哉佛土穢故余時佛以足指
安地成琉璃地我見如此螺髻梵王本見淨土是第八
地大菩薩故也云○東方須彌等者為訪居士病患十
方諸佛來集余時居士對文殊云何淨土有高廣座哉
文殊答云東方須彌燈王佛土有高廣座時借用彼高

大座入方丈室座不成小室不成大々小相攝圓融無
尋也方便品別說居士德菩薩行品說餘大菩薩不思
議德一々行相可見經文也云云○不思議法門者坂下
三十二菩薩文殊淨名宣不二法門文殊言何不二法
門三十二菩薩各不二法門文殊問淨名々々無言也
文殊云是實不二法門也天台云三十二菩薩以有言
々有言淨名以無言々無言文殊以有言々無言比○
盡淨虛融等者藤田淨是融義也經說清淨不可說等
則此義也諸法不礙融故云盡不留事法故云虛融也
○初從凡夫等者說色即是空受想行識亦復如是云
凡夫色心也此始空二乘菩薩佛種智也般若經皆如

是也○爲破凡夫等者雖同可舉凡夫二乘且舉迷重
畧二乘也唯識論云我法非有空識非無雖有雖無故
契中道比○第二未了等者彼宗立有空中三時教小
乘談人空法有爲初有教般若經說畢竟皆空未說中
道故名第二未了教也深蜜經說圓成實理名爲第三
中道教也起信義記法藏云天竺那爛陀寺同時有二大
德論師一曰戒賢一曰智光並神解超倫聲高五印六
師誓願異部歸誠大乘學人仰之如日月獨步天竺各
一人而已遂所承宗要立教互違謂戒賢則遠義弥勒
無著近稟護法難陀依深蜜經瑜伽等論立三種教以
法相大乘爲真了義謂佛初鹿園轉於四諦小乘法轉

說諸法有爲法從緣生以破外道自性因等又由緣生
無人我故翻彼外道論有我等然猶未說法無我理即
四阿含經等第二時中雖依遍計所執而論諸法自性
皆空翻彼小乘然於依他圓成猶未說有即諸部般若
等第三時中就大乘正理具說三性三無性等方爲盡
理即解深密經等是故於彼因緣生法初唯說有即隨
有邊次唯說空即墮空邊既各隨邊俱非了義後時具
說所執性空余二爲有契合中道方爲了義此依解深
密經判二智光論師遠承文殊龍樹近稟提婆清辨依
般若等經中觀等論亦立三教以明無相大乘爲真了
義謂佛初鹿園爲諸小根說於四諦明心境俱有次於

中時爲諸中根說法相大乘明境空心有唯識道理以
根猶劣未能令入平等真空故作是說於第三時爲上
根說無相大乘辨心境平等一味爲真了義又初則漸
教破外道自性等故說因緣生決定是有次則漸教破
小乘緣生實有之執故說依他因緣假有以彼怖畏此
真空故猶在假有而撰引之後時方就究竟大乘說此
緣生即是性空平等一相是故即判法相大乘有所得
等爲第二時非真了義也比三時教者勝義生菩薩領
解一代爲三時一有教小二空教般若經三中道教解
深密經云介時勝義生菩薩復白佛言世尊初於一時
施鹿林中唯爲發趣聲聞乘者以四諦法轉正法論至

是未了義乃世尊昔在第二時中唯為發趣大乘者到
謂以隱密相轉正法論猶未了義世尊於今第三時中
普為發趣一切乘者以顯了相轉正法輪第一玄竒寂
為希有是實了義已佛出以前眾生執實我佛為破我
執於小乘中說我空法有此云初於一時等依之眾生
執法有為破此有執於般若經彼一切法空為證大乘
法空也故云唯為發趣大乘等也依法躡非有非空也
然為破有執以方便說空故云隱密相也眾生聞此說
人起空執故云猶未了義第三時中三乘說真實故云
發趣一切乘說非有非空故離有空執住中道故云是
真了義也述記釋經意云諸異生類無明所盲起惑

業迷執有我於生死海淪沒無依仗大悲尊初成佛已
仙人鹿苑轉四諦論說阿笈摩除我有執令小根等漸
昇正位彼聞四諦雖斷斷我愚而於諸法迷執實有世
尊為除法有執次於鷲嶺說諸法空所以摩訶般若等
令中根眾捨小趣大彼聞世尊密義意趣說無破有使
拂二諦性相皆空為無上理由斯二聖互執有空迷謬
競興未契中道如來為除此空有執於第三時演了義
教解深密等會說一切法有識等心外法無破初有執
非無內識遺執皆空離有無邊正處中道已阿笈摩者
新譯言也舊譯云阿舍也云○天台宗等者般若帶通
別圓故云通後三教通教界內理教真俗相融故云万

法為俗無生偏空為真諸法如幻不待分析即空故云
現有即空別教界外事教事々圓融故云俗諦融通雖
云融通異圓三諦相即圓融雖別教談十住入空下
行出假十迴向修中三諦隔歷假諦如幻對無量生設無
量化事々自在大小遠近相融無尋如彼阿伽陁外道
者以恒河水十二年間入自身耳彼法力尚大小無異
況得別教地前雖未證中道證空假智力大小自在相
融無尋若約教道地上隔歷不融若登地上證圓理故
非別教人故云有教無人今以地前為別俗不云地上
則此意也圓教融即約三諦理眾生一心具三千性心
性不動假立中稱亡滅三千假立空稱雖亡而存假立

假名法々塵々皆具三諦即空即假即中故云三諦相
即妙樂云鉢不二故々名為即上已 問天台家意三諦
其相如何 答一家天台意如來一代說教雖廣多不
可出三諦故釋云一期縱橫不出一念三千世間即空
假中上十界三千諸法不出三諦故釋云即空假中初
後不二方異諸教上初後者十界也又万法惣一心了
衆途三觀云所詮我等一念貪起假諦此念全諦本不
生無自性空也此念諦空々假不二中道也方法云三
諦三千諸法融通無尋空也法界事々差別假也方法
々鉢中道也取譬言之扇鉢中道也骨紙差別假也無
自性空也華嚴金師子譬可思之金作師子頭等六分

現行假也其頭等六分全無自性空也其師子法躰不
何乖中道也 問彼宗意尔前迹門本門三諦其相各
別耶 荅然也尔前三諦中道者理性真如一實也空
者諸法無自性也假者假緣起法也尔前圓教談三諦
非正如法華迹門三諦者理性三諦也初住證得真如
理性自三諦宛然也真如直躰中道也此真如万法事
性圓滿假諦也是無隔空諦也本門三諦者本覺無作
上本分自受用智事圓三諦也万法事々假諦無量空
諦法界當躰中道也 問於空躰有但空不但空假諦
賴緣假施設假中道離苦樂中離斷常中佛性中道有
之其相如何 荅但空者此有二意一云藏通不談三

諦談空理計故藏通空云但空別圓二教明三諦不限
空理云不但空也二云前三教空云但空隔諸門明但
真故圓教談假中即空三諦一諦空故云不但空也次
賴緣假者六道諸因緣和合生故賴緣假云也施設假
者佛菩薩於利生門示九界身背內證任所化意樂利
益云施設也離苦樂中者證果人離人天樂四惡趣苦
云中也離斷常中者外道斷常二見佛弟子離云也斷
見外道諸法滅不可生更無計也善惡因感善惡果不
思也常見者地獄何地獄乃至天何天思云常見故釋
云離斷常中二乘亦得佛果證於三乘弟子偏受中名
已佛性者於之有二一但中二不但中也但中別教所

談也空假外別談中道故云但中記一云此中但理不變諸法上釋云如中道華離二邊木出纏池月獨處法性空上不但中者圓教中道也空假即中三諦全同躡也釋云空假不思議空假即中上又云三諦一諦非三非一上又云一色一香無非中道上○圓眾自謂等者名字即釋云或從知識或從經卷聞上所說一實菩提於名字中通達了知一切法皆是佛法上○答請文中筆者問第九觀云念佛眾生是口稱行也故答請中可立觀佛念佛兩宗何限觀佛答第九觀說觀佛行相爲文正意說觀佛機所見因云光明遍照乃攝取不捨故今約文正意立觀佛爲宗義不遮約念佛眾生亦立念

佛宗○久遠因果筆者久遠因果如來因果也今日釋尊五百塵默劫前實修賢證是名久遠因果爲本門宗今日曰果弟子因果三周聲聞大通聞法結緣中間調熟法華得果是名今日因果爲迹門宗也○香象梵網等者香象大師所造疏也三聚淨戒爲經宗要顯此宗義也先惣後別々中有五義故是一經多宗例也○三聚淨戒者十重禁是攝律儀戒四十八輕中有攝善繞益二戒也○文中正意等者經文能詮能導能宗於中導者言經言辭所導淨戒也又以淨戒導人義也○別中有五等者受戒後隨戒云受隨是持戒義也淨戒即有止惡作善義云止作三聚淨戒即通事理作法受得

戒相事也安心智惠躰達戒躰無生理也正修行淨戒
云先修三褻中攝一切善行云統攝耳○宗蜜等者宗
蜜禪師所造疏也梵云孟蘭此云倒懸是鬼道苦也盆
者器名也經云目連始得六通欲度父母報乳哺之恩
即以道眼觀視世間見其亡母生中餓不見飲食彼骨
連立目連悲哀即鉢盛飯往餉其母乃得鉢飯便以左
手鄣飯右手揣食々未入口化成火炭遂不得食目連
大叫悲啼涕泣馳還白佛具陳如此佛言汝母罪根深
結非汝一人力所奈何汝雖孝順聲動天地天神地神
邪魔外道々々四天王神亦不能奈何當須十方衆僧
威神之力乃得解脫吾今當說救濟之法令一切厄難

皆離憂苦佛告目連十方衆僧七月十五日僧自恣時
當爲七世父母及現在父母厄難中者具飯食百味五
菓●盡世耳美在盆中供養十方大德衆僧當此之日
一切聖衆或在山間禪定或得四道果或在樹下經行
或六通自在教化或聲聞緣覺十地菩薩大權現化作
比丘皆同一心受鉢和羅飯食其有供養此等自恣僧
者現世父母六種親屬得出三途之苦應時解脫衣食
自然若父母現在福樂百年若七世父母生天自在化
生入天華光時佛勅十方衆僧皆爲施主家咒願七世
父母修禪定竟然後受食初受食時先住佛塔前衆僧
咒願竟便自受食時目連比丘及此大菩薩衆皆大歡

喜而是日連悲蹄泣聲釋然除滅是時目連其母即於是日得脫一切餓鬼之苦略鈔靈芝記云愬別有四孝順是心設供是事拔苦是功報恩是用也已思父母拔苦住孝順心設供等三今雖順孝順心躬廣故不云心也但今設供孝順起言大意者以孝順心供三寶依此功拔母苦成報恩也拔苦依設供拔苦故成報恩之々拔苦用也云彼經說目連母拔苦彼母依慳貪生鬼道中已疏云或經中說定光佛時目連名羅卜母字青提羅卜欲行囑其母曰若有客來孃當具饌去後客來母乃不供仍更詐為設食筵兒歸聞曰昨日客來若為備擬母曰汝豈不見設食處那其已來五百生中慳貪相

續已問拔苦必可有與樂若然何宗中不舉與樂哉答拔苦雖似與樂若不生樂受非與樂若余拔苦非必與樂但今拔鬼道苦定可有人天等樂然經說目連母云得脫一切鬼道之苦不說與樂相故不為宗欽○圓暉頌疏筆者頌疏一云今詳世親著論宗旨有其兩宗一者顯宗即一切有部故下文云迦濕彌羅儀理成我多依彼釋對法藏故知此論有部為宗二者密宗所謂經部故下文云云部所說不違理故密意所許經部為宗已古俱舍序云佛滅後千一百餘年出世名婆藪波頭●先如薩婆多部出家仍學彼部所立三藏後見彼法多有乖違故造此論具述彼執隨其謬處以經部

破之故此論本宗是薩婆多部其中取捨以經部爲正
比世親菩薩初於迦濕彌羅國學有部後建毘羅國學
經部後結六百行頌弘有宗間置傳許傳說詞似彈有
部仍請頌釋作俱舍論三十卷至傳許傳說處破有部
義有部爲顯經部爲密則此義也云○觀念法門分爲
等者彼文云若是定心三昧及口稱三昧心眼即開見
彼淨土一切莊嚴說無窮盡比○舉異名等者九品寺
義勢也彼流意離意地觀但稱非往生業下至十聲等
釋且發觀口稱邊也非念佛正躰故觀佛念佛非別躰
一行異名也○但集文等者上卷標觀佛三昧爲宗下
引觀經依正觀佛經父王稱名故云今通觀稱下卷名

念佛三昧爲宗下別華首經文殊般若經等八文通觀
稱故云亦通觀稱 問觀稱既別得名何通哉 答集
無其由若是觀稱意口雖殊俱念佛行不相離故得名
且物通不分歟○道綽雖知等者例如南岳不釋四教
天台初釋四教妙樂釋云南岳委知而不細判至天台
來分別始盛上今取此文意云雖知而不細判也○問
觀稱等者問安樂集標觀佛爲宗兼稱名所以也 答
有二義初義意標觀佛爲宗下引稱名念佛顯念佛爲
宗義下卷標念佛爲宗又顯觀佛爲宗對上卷歟 顯互
顯也次義意稱名有惣相歸依念此念名觀合觀稱云
觀佛爲宗也○答集文等者集上舉觀經觀佛爲宗後

引觀佛經父王念佛三昧云初後也此義意存別宗別
行此可有別行助行意得名通故云釋義幽觀稱別故
云意自顯云次一義存稱名緣佛即觀佛意問此義
相違本經息慮凝心觀佛如何可會 答本經雖說息
慮凝心定觀且約口稱緣佛立觀佛義有何妨哉例如
和尚宗義一行三昧所具觀察行相云○智證判釋等
者法華論記云謂隨音聲赴其自體由此呼招能引自
體已行者音名音聲佛體名其自躰也○惠心等者要
集觀察門明四種觀謂惣相觀別想觀雜畧觀極略觀
次文云若有不堪觀念相好者或依歸命想或依引接
想或依往生相應一心觀念已此下註云已上意樂不

同故明種々觀已竹谷意歸命等意稱名屬觀也○凡
諸經等者以下舉諸經論觀稱通用文簡異今家觀稱
各別義也謂智度論等觀稱教名念佛觀佛經及今經
第觀觀中觀稱俱名念佛然宗家限稱名々念佛是為
分別助正約束也云○智度論等者彼論念佛如中明
觀佛相狀而引摩竭大魚因緣商人渡海日論三出有
銀高山益水逆流高山下船中諸人皆悉恠之有老人
云大海中有摩竭大魚欲飲我等上頭開口上一日論
實天月也下二日輪大魚眼齒也諸人聞之生必死思
有一人僧勸諸人念稱三寶名大魚聞之我往昔雖佛
弟子由有罪過今為魚身何殺佛子自今以後不可食

生誓餓死已毘富羅山彼大魚骨也云○此乃念佛等者就行立信文云一心專念弥陀名号●是名正定之業順彼佛願故若依禮誦等即名為助業上○始別終同者口意別故云行相異口意雖異俱發定心同見佛故云終同也○一者定機等者惣機有三類一凝自觀念得定見佛此為上根二依稱名念佛得定見佛此為中根三依稱名臨終散心見佛往生此為下根云○文殊般若經明稱名見佛禮讚引彼經云々何一行三昧獨處空閑繫心一佛不觀相貌專稱名字即於念中見阿彌陀佛及一切佛上○止觀二云等者四種三昧中常行三昧下文也彼文立身閑遮口說嘿意止觀身口

為助意為正行惡障之意止觀難成時唱弥陀名号佛力除障即成止觀正行也引彼助義成今正行除障得定見佛義也○答先師等者答有二義先師及勝願院其義全同此義意定機稱名發得定故可名三昧散機稱名等持分故亦可名三昧舊云三昧新三摩地云也次蓮華谷意限定機念佛成三昧義定勝散劣也從勝定散俱名三昧也○等持定者心一境性為義是通定散是散中息亂一心為等持義故散心中一心念佛為三昧義下云三摩地通定散而心一境性則此義也○勝願院者南都別院名也名良遍僧都此人然阿上人群疑論師匹也○別境中等者是唯識等意也俱舍意

受想思觸欲惠念與作意勝解三摩地此十合名大地
法故頌云受想思觸欲惠念與作意勝解三摩地遍於
一切心比釋云前三句標列第四句釋得大地法名受
謂領納也此有三種苦樂俱非有差別故俱非者捨受
也想者取像於前境差別境思者造作謂能令心有所
造作觸謂觸對根境識三和合而生能有觸對欲謂希
求所作事業惠謂於法能有簡擇念謂於緣明記不忘
也作意者作動意謂能令心驚覺為性勝解謂能於境
即印可此事如此非如此起殊勝解也三摩地者此云
等持平等持心於一境轉亦持心所從強說心遍於一
切心者釋得地名也此十心品通三性第一切心所諸

餘心所即不能遍事故獨名大地法也云唯識等意分
十為二謂遍行別境也初遍行者初遍行二字則惣標
五者是舉教論曰一作意二觸三受四想五思也百法
論疏云述曰此第二隨標別列者有五如文云何作意
々々謂能驚心為性於所緣境引心為業謂此驚覺應
起心種引令趣境故名作意雖此亦能引起心所心是
主故但說引心作即是意持業釋也或作俱時意隣近
為勝云何為觸々謂三和分別變異令心々所觸境為
性受想思等所依為業謂根境識更相隨順故名三和
觸依彼生今彼和合故說為彼和合位皆有順生心所
功能說名變異觸依彼起故名分別根變異力引觸起

時勝彼識境故集論等但說分別根之變異和合一切及心所令同觸境是觸自性既似順起心所功能故以受等所依爲業起盡經說受想行蘊一切皆以觸爲緣故由斯故說識觸受等因二三四和合而生瑜伽論但說與受想思爲所依者異於行蘊爲主勝故舉此攝餘集論等說爲受依者以觸生受近而勝故謂觸所取可意等起與受所順益等相極相隣近引發勝故云何爲受々謂領納順違俱非境相爲性起變爲業能起合離非二欲故云何爲想々謂於境取像爲性施設種々名言爲業謂要安立境分齊相方能隨起種々名言如何爲思々謂令心造作爲性於善品等役心爲業謂能取

境正目等起駟役自心造善業等此後四種並無六釋別境有五者論曰一欲二勝解三念四定五別惠述曰第二隨標別列分五如文云何爲欲於所樂境希望爲性勤依爲業此所樂者謂可欣境非可厭事及中容境又此欲所樂者謂所求境非中容境又欲所樂者謂於所觀於一切事欲觀察者有希望故此無六釋云何爲勝解於定境印持爲性不可引轉爲業謂邪正等教理證力於所取境審決印持因此異緣不能引轉故猶須境勝解全無勝即是解持業釋也云何念於曾習境令心明記不忘失爲性定依爲業謂教憶持曾所受境令心不忘失能引定故云何三摩地々々々者是梵語

此云等持舊云三昧翻爲正定者訛也於所觀境令心
專注不散爲性智依爲業謂觀得失俱非境中由定令
心專注不散依斯便有支擇智生心專注言顯所欲住
即便能住非唯一境不尔見消歷觀諸諦前後境別應
無等持云何爲惠所觀境簡擇爲性斷疑爲業謂觀得
失俱非境中由惠推求得定故比別境名此五或時
起一謂於所樂唯起希望故乃至或於所觀唯起簡擇
或時起二謂於所樂決定境中起欲勝解或於所樂曾
習培中起欲及念如是乃至於所觀境起定及惠或時
起三謂於所定曾習境中起欲勝解念如是乃至於
曾習所觀起念定惠或時起四謂於所樂決定曾習所

觀境中具起前四種如是乃至於定曾習所觀中起
後四種或時起五謂於所樂定曾習所觀境中或有
心位五皆不起云○蓮華谷等者在高野山此明遍僧
都事也定機若行口稱念佛終發三昧見佛是本意故
約其本意散心口稱立三昧名行法華經終發三昧行
理趣經終發三昧約其所期散心行名法華三昧是今
散心念佛位立三昧名例證也○問或云等者九品寺
義言稱名得定方便也唯散稱名不可生淨土大乘意
々地爲先故淨土論立五念觀察爲正餘四爲助讚嘆
中有稱名々々爲助口稱念佛至臨終時必發定心生
淨土非此義皆論藏一切命終必住散心定判亦違香

象非謂今世要依定心等判釋也但彼流人云隨機不定也或平生或將命終也但當世無有平生得定多可臨終也云○詫佛願等者唯散稱名願所誓故生淨土大師立願彼佛願由名正定業正行中稱名正行名正定業此散心口稱行非定發得知本願所誓唯散心稱名也又機不同自定散相分若如所立散機更不可往生○又蓮華谷等者在語燈錄引可見之○釋義分明者禮讚云衆生障重境細心麁識颺神飛觀難成就稱名易故相續即生比一乘骨目章小云不論不淨不論心亂但念彌陀即得往生比十因云不簡身淨不淨不論心專不專稱名不絕即得往生上○觀念法門等者

彼流意觀念法門釋九品通相故心眼即開釋通下品云也自流意今九品唯散故更無得定義况下下品不能心念口唱名計也何為定發得亦不遮得定人生上々品也○非是纏縛等者論註釋普共諸衆生安樂國普共之語雖不局機而偏出下品往生彼釋義相非是觀安樂集全依註文更無異徹和尚釋云散善往生一處未云臨終發定云○感師亦立等者論極樂三界撰不就撰一義以色界業為往生因所變極樂色界撰也以欲界業往生所變極樂欲界撰也欲界業者不伏欲界煩惱生得惠等善根也得上界近分定可伏下地煩惱是名色界善今不得近分定故云未離欲散善往生

文理分明也 問彼土本願所成煩惱具足凡夫長出
 三界流轉故經說橫截五思趣論云勝過三界道智度
 論云淨土非三界何違文理存攝義哉 答彼論有二
 義何以一義非一義今且付攝義會所難既以欲色界
 業所感依正也以目明果可三界攝其果躰雖界攝依
 佛願他力有五通壽命等益也但至經論大經意往生
 彼土免流轉五道故云橫截五思趣簡流轉言也論文
 者約佛變本質云勝過三界故非相違智論以義云非
 三界也無欲故非欲界等讚德云非三界不渡果躰即
 三界界也 云此段解釈良心略釈
 一字下而書之也
 未離欲等者群疑論意三福散善及定力方便聞思

往生名未離欲修惠發得往生名已離欲也彼土立
 欲界色界名約能居人自分非云本質土有欲色也

已上
 良心

香象等者過去修念佛三昧於今世雖散心見佛也是
 散心見佛證也○問唱佛等者就起往生安心念佛人
 問答也○勝願院等者第一定機念佛也第二散機三
 業相應也謂威儀正身業稱名不斷口業歸佛無門意
 業也第三為往生身口雖有善相意業惡無記無善心
 故不成往生業也○後一不生等者依今相傳會此義
 者性相意因等起成業剎那等起心不成業故為往生
 口稱佛名設雜惡念願心所引口業稱名可成往生因

等起若為名利行念佛等設三業相應先心所引為雜
毒善不成往業云○或心相應等者心相應上第二三
業相應也心不相應上第三也此二機共可成往業云
○所引初後等者言先發願心後用廻願前後所別中
間餘心雜起稱名悉成往業前後願心相續不退如渠
不塞願心所起念佛相續如流水通中間安心如木葉
等入渠水又願所起念佛不斷絕如家主中間妄念如
客人云○問以身口等者上相傳意若為生口行念佛
設中間起惡無記念口稱念佛初後善心所引可成往
業云就之設難若惡無記心稱佛名既闕善心何成善
業若不成善業用廻向由此理後廻不沙汰依俱舍意

善有四種一自性善謂大地法十善二相應善謂大地法十善三等起
善身口業四無漏善謂無漏惠相應善能等起思有發語思動身
思二身口動作云等起善亦名表業云次答意先發念
佛往生因等起唱佛名刹那間發惡無記念先心所引
口稱念佛成往業也若成善業廻善往生理在絕言故
今答述善躰成廻善不沙汰云○若非善業等俱舍意
善有四頌云勝義是解脫自性慚愧根相應彼相應等
起色業等比疏云勝義是解脫者涅槃名解脫涅槃中
最極安隱眾苦都無猶如無病是善是常故名勝有實
躰故復名為義故此涅槃名勝義善自性慚愧根者根
謂無貪等三善根及慚愧二此之五法躰是善猶如良

善有四種分
善有四種分

樂名自性善相應彼相應者上相應是標下相應是釋
彼謂前無貪等五余心心所自性非善與彼相應而得
善名々相應善如雜藥水等起色業等者色業謂身語
表業筆々取不相應中四相及得二無心定此等諸法
名筆起善以是自性及相應善所等起故而得善名如
良藥汁所引生乳上已身礼拜口出言等入表知故名表
業是依善行身中引生善四大人不表知故名無表業
云○例如受戒者為受戒發善意樂參戒師所戒師持
否言唱三反第三言下戒無表初起也設能受人此時
雖住惡無記心前受戒用心善故發戒無表也受戒用
心例今因筆起惡無記心例刹那筆起第三羯磨持言

例念佛發得七支戒品例成往生業也○第三羯磨等
者毘尼討要受具戒章有十三段一受十戒為具戒由
二請三師和尚是得戒根本故羯磨師是授戒人故威
儀師是引導人故三教發戒緣有情非情依正真俗經
眼見耳不大六塵等於此諸境發三品心四受戒人置
之形像四聞處五差威儀師屏問遮難六出衆問難謂
一邊罪難二汙尼難三賊住難四破内外道難五黃門
難六殺父難七殺母難八殺羅漢難九破僧難十佛身
血難十一非人難十二畜生難二形難又有十六遮謂
不自称名年不滿衣鉢不具父母不聽負債奴婢官人
病癩癰疽白癩乾消顛狂等也七單白喚入衆禮僧竟

八正乞戒九戒師和僧問難十正對衆問難十一正授
戒若無遮難堪正授戒先勸心令生上品戒夕師云汝
遮難並無衆僧同喜當與汝戒夕善廣大且周法界當
起上品心得上品戒趣泥洹果向三解脫成三聚戒令
法久住是上品心次當廣開汝心所以尔者塵沙妙法
不校小身而得受也當作虚空器量之身發塵沙戒夕
若有形量入汝身時當如天崩地陷之聲由是非色令
汝不覺今爲汝作羯磨發此塵沙戒汝不聞乎外道仙
人咒術之力尚移山填海况如來師而無此力今一白
三番羯磨世尊口出我傳佛教發汝戒躰汝須知之正
作法前白云衆僧慈悲布施某甲戒作此語已向羯磨

師一心聽說白云大僧聽此某甲未受具戒此某甲今
從衆僧乞受具戒自說清淨無諸難事年滿二十衣鉢
具若僧時到僧忍聽僧今授某甲具足戒白如是大僧
聽此某甲未受具足戒此某甲今從衆僧乞受具足戒
自說清淨無諸難事年滿二十衣鉢具僧今授某甲具
足戒誰諸長老忍僧與某甲授具足戒者默然僧已忍
與某甲授具足戒竟僧忍默然是事如是持一白三羯
磨亦云白四羯磨十二說戒相遇緣退捨前十段名加
行十一二正受戒也云羯磨此翻業事成辨對衆僧請
慈悲布施戒云一白向羯磨師二發請戒云三羯磨正
受戒第三羯磨四中前三云加行心言加行位思受戒

故正受戒時心通三性身威儀正持答即從身表業得七支也○九性相等者若經部意住決定思所作身口成業餘心雜起身口不成云薩婆多意刹那等起設餘心雜依回等起成善惡業光記十三云思惟思是遠回等起作事思是近因等起●刹那等起者此時心性不必是同罪福二門非由彼定故不依彼說業差別此頌疏十三云等起有二種回及彼刹那如次第應知名轉名隨轉見斷識唯轉唯隨轉五識修斷意通二無漏異熟非於轉善等性隨轉各容三年左善必同無記隨或善此釋云等起有二種者標也表無表色等起有二種也回及彼刹那者列名也一因等起二刹那等起發業

前心名因等起在前為因故與業俱心名刹那等起同一刹那時故如次第應知名轉名隨轉者因等起心說名為轉謂能轉業轉之言起將作業時能引發故刹那等起名為隨轉謂隨業轉正作業時不相離故見斷識唯轉者出轉非隨轉者也見斷者所斷煩惱也此見斷煩惱助尋伺心起業故內門轉不隨轉於外門心正起業時無見斷故外門謂修所斷也唯隨轉五識者無分別故不轉外門起故為隨轉修斷意通二者修所斷意有分別故為轉外門起故為隨轉無漏異熟非者無漏法唯在定故不能起業異熟心任運起故非轉非隨轉有處定心雖內門轉性恒強盛故為隨轉於轉善等性

隨轉三性不同也善等性者等取不善無記也三者三性也謂轉心若善隨轉容三性轉心若惡隨轉亦容三性轉心若無記隨轉亦容三性無記隨轉惡善者佛其隨轉心善也或言所顯亦可無記知也上薩婆多宗意許佛有異熟威儀通果三無記大眾部唯善無惡無記之心也云○遠近回等起者思惣有四一審慮思二決定思此二意樂也是遠因等起也三動身思是身業四發語是語業也云○起上加行等者因等起位正直擬為往生極樂行念佛等意云不為勝他名利上品加行非勇利心名上品也是則對唯心無行為上品非九品中上品○一心是安心等者一心迴願當十一門謂一心

即當第四門辨定三心欣求一心橫具三心故名一心迴願即當第八門以兩三昧功迴願淨土也○躰即是果者躰是地盤義謂今經往生淨土為地盤故為經躰義兩三昧是能趣往生淨土果即所趣故云果即趣耳○不同回果等者下今宗旨門以觀佛念佛兩三昧為宗往生淨土為躰是因為宗果為躰也彼法華文天台釋十如是時回果為宗實相為躰其因果者本迹各有因果迹門以今日因果為宗本門以五百塵點因果為宗故今不同也天台觀經疏云此經以因果為宗以止觀為躰上文意觀經十六觀曰並說往生果故云因果為宗以止觀者彼師意暗以難知若約事觀歛觀國土

依正事相觀故者又約理觀欵以生即無生觀可爲止
觀智證以今依正觀配當一心三觀故云知禮依此云
今觀門用一心三觀則此義也○答註則等者藤田今
經所詮專在佛名故從所詮判爲經躰所言體者即是
彼佛修性顯得三身功德總別功德皆是佛躰即以此
體攝在名号今經宗致不出此意故以佛名而爲經躰
亦爲經名此乃言之所尚則爲經躰此經所貴專在名
号是故佛名判爲經躰問言之所尚云宗今何名體答
人師意樂其義非一今家未必分別宗躰不同只以所
詮即爲宗躰問者言之所尚判爲經躰者此論依經立
五念門以觀察爲觀行躰相若以彼器界衆生莊嚴攝

在觀察可爲其躰 答惣言之三經一論宗致以佛名
号爲詮要故今註上初引難易二道正用名号以爲易
行故知此論本意即以名号爲宗爲體但觀察門且付
觀機勸之非論正意例如觀經定散二善且逗其機漸
至流通獨立称名而顯經宗云三經所詮有修行往生
修行以佛名爲所詮因行云名号爲躰今約得果云往
生爲躰各述邊々故各據一義也所言所詮下釋成惣
別意謂三經始終惣以阿彌陀事爲所詮故名号爲體
惣也往生所詮中隨一也故爲別○半字教等者半滿
二教名目出涅槃云○菩薩藏者淨教云第一須知教
之大小教別二藏之聲聞藏及菩薩藏此經乃是菩薩

藏収比 此次良心解収 一字下而書之

結集三藏者大乘中雖有三藏而其義混雜小乘三藏各別結集阿難結集修多羅藏優婆離結集毘舍藏迦旋延結集阿毘曇藏以是義故惣屬別小乘名三藏云○答淨歎等者聲聞藏攝緣覺二義一淨影意以義緣覺立聲聞名二述記並支佛義意聲聞教理行果多以為藏義攝緣覺也○所為者所化義也彼文四句二句如今又有獨覺々々聲聞緣覺二句聲聞々々始終同聞四諦聲也至三共入有余無余涅槃云 已上良心此収之中 後二段牒今記無之

答支佛義等者此善意聲聞教理行果多為藏義此攝

緣覺也又一義云淨影云聲聞藏中所以有二一聲聞々々二緣覺聲聞也聲聞々々者先求聲聞道觀四真諦於最後身聞四諦聲而得悟道緣覺聲聞者先求緣覺道觀十二因緣於最身聞聲悟道此善意以義緣覺惣云聲聞藏云淨影意以四句成義道一聲聞々々二緣覺聲聞三獨覺々々四聲聞緣覺也聲聞々々者始終同聞四諦聲緣覺聲聞者始自能觀十二回緣最後身聞十二因緣聲教悟道獨覺々々者出無佛世不聞聲教無師獨悟聲聞緣覺始聞四諦聲證前三果後無佛世證無學果云 問若約緣覺聲聞攝聲聞藏獨覺々々不攝聲聞藏欤 答二乘對七異三同若約同

邊猶可攝入云辟支佛集上云證問二藏之名但云菩薩及聞藏未詳獨覺何藏所收云答據不同三義別無別中藏聲聞藏收問如何聲聞得攝獨覺一解以皆同證入空理故又以自利行同聲聞故又以同斷煩惱障故又以唯離分段生死故夕聲聞藏攝獨覺乘上七異三同者一聲聞遇佛緣覺不遇佛世二聲聞夕佛聲緣覺不聞聲教三聲聞觀四諦緣覺觀十二因緣四聲聞鈍根緣覺利根五聲聞有四果緣覺部行獨覺初證三果位是聲聞後無佛世證無學果麟角喻獨覺不證聲聞道前三果無佛世出證無學果六聲聞說法在世舍利弗等佛使教化他人緣覺不說法山林隱居自離生

死七聲聞斷正使不斷習氣緣覺斷正使亦侵習氣少分斷之三同者一聲聞緣覺共證生空理二共厭生死欣涅槃三共入有余無余涅槃云此次良心解脫一字下而書之

先求等者聲聞位有聖賢々有三賢四善根聖有四果位今指賢位云先求等極果斷證位云於最後等

問四諦下用十六行相斷三果見惑得初果斷三果修惑隨斷位分立二三四果然今云聞四諦等故

得初果可云得悟道何料簡極果斷證乎 答所難

可余但今為成聲聞名義約初雖云聞四諦聲意顯聲聞極果斷證諸文中云為聲聞人說四諦法則此義也又發無漏智必緣四諦故為斷非想一出思惑

發無漏智故云聞四諦聲今經云聞衆音聲讚嘆四
諦應時即得阿羅漢道則此義也○先求等者其根
利自觀十二緣寂後身聞十二因緣聲教悟道又未
緣覺觀十二緣人趣聲聞道聞四諦聲悟道歟

已上良心但此
蝶文不見今記中

支佛義者具云辟支佛集是上下二卷也是智證作也
文云搜玄錄一云問菩薩聲聞各別立聲如何緣覺不
立藏耶答准普曜經說有三種藏一菩薩二獨覺三聲
聞若依撰論第一意不立緣覺藏由獨覺教理行果少
於聲聞從多為藏俱名聲聞藏也又獨覺者唯證生空
斷其人執契證與聲聞是同攝入聲聞藏也已彌陀經

新疏云辟支佛者古翻緣覺亦云獨覺々々者應在
聲聞衆中雖聞諦緣不同而悟理是一故智論云支佛
求聲聞覺後異道是也若獨覺者出無佛世彼無比類
其故不言已大乘義章一云出聲聞故名聲聞藏出辟
支佛名緣覺藏出菩薩故名菩薩藏已○教理行果等
者聲聞四諦教通世間出世因果緣覺十二因緣教限
世間因果故云多少二乘所證理躰雖同且對緣覺證
理一途四果所證多重云多四諦行通世間出世十二
因緣限世間故云多少緣覺一果聲聞四果故云多少
云述記一云依瑜伽等說有二藏一菩薩藏二聲聞藏
獨覺教少於聲聞從多為藏名聲聞藏已○靈芝云准

知等者義疏上云遠疏亦云此經是頓教法輪章提希
 等並是凡夫便證無生不從小入故云是頓准知一代
 彌陀教觀等已相從觀經云教觀歟又說教惠云教觀
 欽淨土一乘即約東德涅槃躰無異途圓滿頓極故云
 圓頓一乘遵式慈雲是天台宗人也 問漸頓得名其
 義如何 答漸頓有多教天台宗意於頓約部頓約教
 頓有之華嚴經約部頓也玄十云初成道時純說圓頓
 上已又云先照高山厚殖善根感斯頓說上已一云未遊
 鹿苑名之為頓此是頓部非是頓教以彼部中兼一別
 故已但華嚴有別圓二教約部時共名頓約教時圓教
 計可云頓也阿含至般若約部漸教藏通別約教漸圓

教獨約教頓云也籤一云中間三昧皆名漸教上已 問
 方等般若若圓教皆可云漸教哉 答約部時漸教既
 方等圓彈呵圓般若圓泚汰圓也為三周聲聞漸教也
 但四教逗緣方圓教利根機可遂頓極成佛故可云頓
 教也 此次良心解釈
 一字下而書之

准知者上引用天台淨教二師釋教觀歟白蓮記云
 此土教不置觀字也云云○慈雲者同記云慈下引天
 竺法師為轉證云遵式所居寺名也淨土一乘即約
 彌陀果德涅槃躰無異途圓滿頓極故圓頓一佛乘
 遵式慈雲天台宗人也 已上良心但此文中秋遵式師雖此
 見聞出於次下所解不一其義可見
 慈雲法師者白蓮記云慈雲下引天台竺法師為轉證上

准之此法師從天竺來振且學天台宗法門下字一本見欽下云括
盡貝書是天竺師聞云云○曾無一字者阿含經中說有
淨土大機所聞隱密不了非小機聞又小乘中經部宗
談十方十佛今有部意如是釋也○一歷耳根者約取
果用俱舍論云能為彼種故名取果上嘉祥云一念至
信心生淨土終得佛果故名無上上已則此義也○削其
枝葉者小乘漸教二乘自力枝葉也大乘頓教一乘他
力精華也○又或云等者西山未流薩生房義也此八
俱舍學近本住寺門後傳西山義而立念佛引業諸行
滿業義其後信鎮西御義遂大往生也○有人破云等
者几品寺義未及上總明定房義也○理事者佛有二

身念云法身名理念佛報應名事念也○五番十重者聖
道淨土一番十方西方一番念佛諸行一番理事番觀祇一
番也○前義將謂等者破意惣立二門々々中聖道門
開出大小漸頓然頓中開出聖道門小乘不入聖道門
失有之也云云○今云此破等者記者判談兩義也大小
漸頓二門何判教大意也此皆一往判教也再往以不
可難之難他義立自義亦可有難如前限大立漸頓故
有小不攝漸失又如後義限聖道分大小漸頓故有淨
土門不攝大乘不攝頓教過也○若試筆者試是與義
也兩方義云二處○速疾頓成等者佛心宗談直指人
身見性成佛真言說父母所生身速證大覺位華嚴明

初發心時便成正覺天台宗述六即智斷一生可辨無
量義經云生死煩惱一時斷壞昇於菩薩第七之地上已
則此義也淨土宗談垢障凡夫直入報土故云頓教也
○般舟讚等者問瓔珞經說漸頓二何偏云漸 答約
部大旨漸悟為宗故釋論中引證漸教天台亦判偏存
別門故釋無失 問聖道門有漸頓二教對今頓意如
何 答判二門難易且引漸教瓔珞此同選擇聖道門
屬顯大權大同是頓教同菩薩藏何忽差違若混頓漸
忽名漸教則似不辨彼漸頓旨今判收頓教攝菩薩藏
則此義也又見文前後鈍根無智難開悟束頓漸寄瓔
珞說同名漸教對攝無智直入報土淨土頓教又先師

云 起信論意惣依百洛又部別依百部立真生二門
其真如門一心一念生縛不生以為其行不論次位其
生滅門惑智相對五十二位次第梯橙然十信位經一
万劫信心成就釋論出十五經十信時節延促不定延
無量劫促一念頃雖有如此十五契經多以瓔珞可定
准故本論一槩用瓔珞說云今釋亦亦也漸頓諸經約
多分機准瓔珞說同名漸教次下文云門々不同名漸
教則此義也 問對万劫不退順次往生頓也若對即
身證悟順次往生尚漸教也如何 答今家既以往生
經教俱頓教故言頓延促不可云漸故靈芝云皆圓頓
一佛乘法更無餘途又妙樂判實教長短則此例也又

約上根即身證悟此尚機力法力微弱也約下機證悟
無斯般舟讀判根性者皆蒙益鈍根無智難開悟是也
今攝無智令生報土豈非頓教哉故元祖云天台真言
皆雖名頓教漸感證理故猶是漸教未斷惑出過三界
之長教此教名為頓中頓也此又一義云准智證釋諸
教之中斷惑成佛只是遣於遍計所執設雖上根捨遍
計妄執論頓證速極故尚是漸教也今押遍計為報土
機故頓中之頓也黑谷所判此義也又彼上根稱今佛
名大願業力為強緣故速證佛果超勝自力故稱讚經
說速證無上正等菩提淨土論述速得成就阿耨菩提
觀念法門判三世諸佛由念阿彌陀佛三昧速成正覺

則此義也○又淨影等者今家不論迂迴直往經劫出
離為漸速出生死名頓淨影天台迂迴名漸直往名頓
故為釋置又言也云

此次良心有解釈與此見聞雖同其意文相非一字下而盡之

知禮等者就天台疏作三卷抄名妙宗抄云若化
義者漸頓不定秘密名為化儀四教藏通別圓名為
化法四教約部化儀約教化法約部時華嚴頓也阿
含方等般若三時漸也約教時華嚴中別漸教方等
中勝鬘經今經等頓教華嚴頓泯合純圓頓教也化
法如四味化儀如合藥也化法者三藏教說諸法實
相生滅通教說幻有即空別教說三諦隔歷圓教說
本有無作化儀者華嚴經對大機說別圓名頓阿含

說小乘方等說四教彈呵般若說後三大乘淘汰此
三經漸調小機故名漸教也又為餘機顯露說頓漸
四教名不定諸機互相知所益不定故名顯露又為
餘機說漸頓四教諸機互不相知所益不定故名秘
密也此頓漸一往也華嚴中別尚漸教對鹿園漸入
且名頓也又淨影筆大從小入名漸且約鹿園小教
設大乘中歷劫修行尚名漸教故○三時皆漸者問
法華不屬漸頓意何 答法華純圓故非華嚴兼別
頓教亦不屬三時漸教也 問介前圓同異如何答
有與棄意至乃全非汝家別教權門隔歷談耳云

上良但此中
謀文不見今記

天台云漸頓等者知禮云三約漸頓若約化儀論漸頓
者華嚴屬頓三時皆漸教在方等非化儀今經頓者乃
於化法以圓為頓故就章提即身得忍判教為頓且無
生法忍位別在初地圓在初住別教凡夫經無數劫方
至此位唯有圓教即生可入若將結益判教偏圓最為
明證是故今文就其當機證位定之是頓非漸比知禮
付天台疏作三卷抄名宗抄今所引是也此釋意漸頓
不定秘密名為化儀四教化儀者前四味問說大小乘
給儀式也華嚴臺上盧舍那佛曾報土儀式阿含草座
道場同居土鹿野苑小乘所說儀式方等四教身相各
別土亦淨穢不同儀式般若亦後三教所說儀式也抑

儀式云教事有二義一義佛說法正不聞儀式見有悟
機故叶教者聖人被下之言例如序品得道者一義能
化儀式方有自向所化可教義故隨義云教也玄義教
相委判不釋分化儀化法教只教相言釋云教者聖人
被下之言相者分別同異也此釋可且化儀化法習也
頓教者華嚴經也於之有二義一花嚴名頓事約頓說
云頓釋云初成道時純說圓頓上一談即身成佛故云
頓釋云證得大益名頓教相也漸教者對同居劣機說
阿含小乘令得益方等說四教彈呵小機般若泐汰今
成大乘心地如此次第漸之教故云漸教也釋云中間
三味皆名爲漸也但方等般若圓教約部時云漸教

約教時云頓也不定者對顯露定教得益不定云不定
教也顯露定教者三周聲聞於華嚴得擬宜益於鹿苑
悟小益方等被彈呵般若泐汰法華迹門來至初住開
佛知見也是顯露定教也不定教者前四味頓漸座頓
座漸得益漸座得頓益文云佛以一音演說法眾生隨
類各得解上秘密教者於前四味約頓漸不定三教此
座十方相望論秘密不定也此座說漸十方說頓及不
定此座機不知十方々々機不知此座說頓十方說漸
說不定頓座不聞十方々々不聞頓座也問於一座
可無秘密教哉答先德異義也然可有一座秘密其
故一座不知大小機如何樣得益可云秘密教此座十

方相望時不知人得益一座時見人不知得益云也釋云不定與秘密並皆不出同聽異聞此釋一座秘密見也截通別圓名化法四教界內事教小乘生滅法門也談實有實空以折空觀證得但空法性也通教界內理教談無生滅明幻有即空以體空觀證得但空法性旨是大乘初門教也別教者是界外事教也明恒沙法門詮隔別不融之旨以次第三觀證但理中道也是權大乘也圓教者界外理教也談色香中道旨談万法圓融互具相即三諦也十界三千諸法談本來常住本覺無作直體一心三觀修行頓極顯也是實大乘諸佛已證也問於圓教余前法華圓有之其圓為同為異

答有與奪意彼此圓躰全一故與云同故釋云此妙彼妙之義無殊但以帶方便故已彼圓對偏名圓故名相對妙法談諸乘一佛乘無所對權故名純圓亦云絕待妙故余前圓奪屬鹿法釋云一乘獨圓已又云八教般若音已釋云細人麤人二俱犯過從偏說俱名乘人上已則此義也台家意四教並對說屬方等部然今經章提得益無生凡夫往生是雖圓分或交父王小益或淨穢對捨劣得勝此等說相非垂嚴部非阿含分非般若部只是方等四教並對隨一也章提即身無生是圓益故約法時屬圓教也問台家意余前教屬法華方便然今經屬方等部是成法華方便若爾淨土最勝義難成

傳通記卷分
卷之三

如何 答若依彼判教此難夕會依此宗意難勢不當
今判一代分為二門此土入聖為聖道門往生淨土為
淨土門故彼五時判教是聖道門一途也何以今經屬
彼聖道且如相宗以三時教判一代時不用台家五時
八教亦如此門學者以此大繩可為所存對彼學者
可言今定觀經說時或同法華說時初年或同終年然
以今經屬亦前意為言今經法華方便欤若然今經直
說垢障凡夫直入報土速得佛果此如何為法華方便
妙樂述方云有四教故有彈呵故比今經無此義故屬
方等部義難成耳彼執者云圓實教談演善惡不二邪
正一如淨穢一躰凡聖一味然淨土經說厭穢欣淨捨

諸行取念佛豈非別教權門隔歷義哉云云今云此難偏
執自力一途未知一乘本願他力妙術若以厭穢欣淨
等相屬別門者汝別教中者凡夫得無生文哉有凡夫
入報土成佛果義哉若無又義別屬何謂非常言不入
常人其則此義也今經中說凡夫攝生雖有厭穢欣淨
等相但是佛果一乘他力濟凡益相全非汝家別教權
門隔歷談其云云此次良心解經
一字下而書之
別在等者和尚意云十信中忍釋云此多是十信中
忍非解行已上忍也已上○結益者得益分云廓然大
悟得無生忍故云最為明顯也已上良心但此
等勝不見今記
疏抄等者寶地房證真付天台觀經疏作一卷文名疏

拂也○勝鬘者法華記云勝鬘為一明一法華會三
一比彼經為一乘機雖說一乘法而未說二乘入實義
故屬方等部然約教時判頓教也 問淨土經亦無二
乘入實故雖有圓義屬方等部 答判教大異不可例
難今彌陀教五乘齊入報土亦齊入實大經說遠離聲
聞緣覺之地是二乘入實文也○非大梯橙者踏小入
大為大梯橙別教雖不踏小經劫證無生忍尚是漸教
也今經非大梯橙亦非別教權漸凡夫即身證無生故
是圓頓教也諸師定身土判應身應土往生機云大小
聖人雖云凡夫大小初心也故雖他力往生尚是自力
分判也今判十信以前凡夫乘佛願力直入報土故極

頓也云

▲本日四辨說人等事

賓主者賓謂賓客即問義也主謂亭主即答義也○問
文前等者問意玄義者述經幽遠深妙義今經自說經
文顯著非經玄意何為玄門要義一哉答附問意約解
義門雖似無要約勸化門其義最要也勸化門時聞正
佛自說人可增信心故置此一段也例如天台宗今要
筆題慈惠僧正為顯一心三觀法門被置九十筆題其
中於一世界許二佛並出道理哉云論義非指宗大事
為一心三觀法為二用故被置此等云○智度論等者
三四當今第三論無鬼神說故知今依別經論歟金光

明經有地神說法華經有十羅刹說是鬼神說也又淨
影云如龍樹菩薩辨一佛自說二聖弟子說三諸仙說
四諸天鬼神說五變化說此經五中是佛說比嘉祥云
大論云說法有五人一佛二弟子三諸天四化人五仙
人此經是佛金口所說故云佛說比天台云一佛自說
二聖弟子說三諸天說四神仙說五變化說比安樂集
云一佛自說二聖弟子說三諸天說四鬼神說五化人
說比論有異本說相不同欬或雖引論望餘說文說相
異欬○私志記者妙樂大師從父智雲法師造仁王經
釋名私志記也○六欲四禪等者六欲四禪受生諸為
來下佛會聞法領解傳說相應佛意名天說也○有內

有外者誦神咒等依佛法力為仙人名內仙服仙藥為
仙人名外仙俱五通具足飛行自在長壽故合為一具
云○如首楞嚴者彼經第八云阿難有從人不依正覺
修三摩地別修妄念存想同形擬山林人不及應者十
種仙彼諸衆生堅固服餌而不息食道圓成名地行
仙堅固草木而不息樂道圓成名飛行堅固金石而
不息息化道圓成名遊行仙堅固動止而不息息氣精
圓成名空行仙堅固津液而不息息潤德圓成名天行
仙堅固精色而不息息吸粹圓成名通行仙堅固思念
而不息息思臆圓成名照行仙堅固交遘而不息息感
應圓成名精行仙堅固變化而不息覺悟圓成名絕行

仙已此次良心尚引經
文一字下而書之

阿難是等皆於人練心不修正覺別得正理壽千萬
歲休止深仙或大海固山絕於人境期亦輪廻妄想
流轉不修三昧報盡還來散入諸趣已上
又彼經意立七趣謂六道上立仙趣也長水疏云進不
如天退又勝故居山林人不及處名為仙趣然此一趣
余經不出以惣報同人故今經闕者約所修行別故人
天二趣所不攝此皆外道趣收上○或同或異等者先
引釋論示鬼神異云○障身為鬼者令身惱乱云障身
也令心物狂云障心也次又鬼下更述別義鬼謂鬼道
神謂天道故鬼神異也○天夜叉形者此七金山天衆

中有髮長口廣女形是名夜叉神也○若天若鬼等者
付次一義述同義故次上神是名天云若天也○法苑
珠林者道世作百卷文也○多財鬼者有三種一無財
鬼不聞飲食石設得食喉如針穴或成火炎不能得食
二少財鬼依咒祭力啗唾便利為所食三多財鬼閻魔
王等富貴自在而有日夕三時苦相云三種鬼俱怖人
不見或怖人故怖畏為義○怖可在他者謂敬義人見
天敬為怖義也上怖恐怖今怖敬怖其差可知云○例
如我等者聞四諦聲悟道聲聞義約自行鬼怖人例也
今約化他々々義怖在他例也○如彼佛初等者釋論
一出六馬鳴在世二人滅後四人也馬鳴者文云六者

勝頂王契經中作如是說如來成道第十七日有外道
是名曰迦羅諾鴉尸摩變化其身作大龍王出現八万
六千頭八万六千舌一時發起八万六千相違難問々
於如來々々即出三重答說通彼切難於是龍王又作
十重問々於如來々々即作百重答說通彼切難如是
問答已佛告龍王善哉々々馬鳴沙門爲護法城故以
破壞相建立佛法耐也常如是行勿小遊行普遍遊行
於是龍王以是本形捨畜生相無上尊前頂禮和南以
歡喜貌向佛世尊而說頌曰善哉々々言經聽於我聞
假耶實耶自極疑於我心我非畜生身我非外道衆而
資化爲牛變化如是形世尊如鏡知我沒於此界出於

餘世間如教普遊行衆時馬鳴說此偈已如入禪定入
於寂滅比○以八千舌者釋論云八万六千略万六字
飲又万六字脫落飲慈行云大象不遊毫徑大士不拘
小篇比此文釋勿小遊行言也○橋梵波提等者法華
記引智論云此尊者先業相續牛報不盡故云牛飼雖
證果人々中笑之故佛令居天上佛入涅槃如大象去
小象隨去羅漢皆滅梵王請迦葉云如來遺教聖者傳
之然同佛滅未來弥迷願結集經迦葉登須彌山擊千
槌喚云諸聖者等勿入涅槃將護佛法時入定聖者聞
之皆出於中橋梵在天聞化水四支說偈云橋梵藝提
誓首禮妙衆第一大德僧聞佛滅度我隨去如大象去

象子隨^上分別功德論云憍梵波提頭面禮^{同上}於是
天上般涅槃^上首經意云行道為知熟不取一本粟徒
捨依之六十劫得牛報今得雜漢余習未盡也黑口呵
故云牛呵^上○華嚴加說等者佛初成道三七日間不
立寂場五天徃變而無言說唯放光照十方法惠功德
林金剛藏金剛幢四菩薩見佛光蒙佛加說華嚴經故
云加說也華嚴有四十六十八十卷不同付六十華嚴
有三十四品其中相海品不思議品正如來說也其餘
三十二品菩薩加說也舍那果海方不可說故佛嘿然
不言說普賢因人方可說故加大菩薩令說也云○維
摩所說者是文珠淨名問答也維摩經中居士多分說

法故云所說也○般若轉教者此經中為今聲聞練磨
大乘令為菩薩說大乘法故云轉教也○法華領解者
舍利弗領解在譬喻品初迦葉等領解在信解品五百
聲聞領解有第四卷初也信解品云但為菩薩演其實
事而不為我說斯真要也又法華迹門說開會法譬因
緣三周各有正說領解述成授記歡善五段佛正說法
弟子領解之若違述領解不及若呵佛意述成如是授
成佛記弟子歡喜也○梵釋護世者替天帝釋四大天
王來臨佛說法會座為對告眾交言語等名天說也法
華十方梵王來請法大般若等有帝釋等說毘沙門等
說陁維尼等也○方等婆藪者婆教仙謗大乘故隨大

地獄此仙人載火輪引罪人來方等會座為對告衆因緣具在法華疏也○金光明等者堅牢地神來金光明經會為對告衆文言語等也○自然無師等者因位時雖依佛教行解脫道證不依他云自然無師弘一引增一阿含云阿若等五人問佛々師為是誰佛答云我亦無師保亦復無等侶無過者上是穢土出現佛示無師獨悟相也○一切世畧等者成實論一云問曰有聲聞說部經但聲聞說又有餘經諸天神說汝何故言獨佛說哉答曰是法根本皆從佛出是諸聲聞及天神等皆得佛語如毘尼中說佛法名佛所說弟子所說變化所說諸天所取要言之一切世界所有善語皆是佛說又

云說於衆生有益者共是佛說若無益則是外道說今一切文章記傳世間名字皆於衆生有益故皆佛說又云劫初時本無名字聖人為示用故為物立名謂瓶衣等上弘決云一切皆是佛說共是佛法者言周孔等教亦應是佛法也○真實善語者對虛言云真實善語於實語中最勝言云微妙好語欵○佛毘尼中等別經題欵又說戒經名毗尼欵彼問何佛法各出五種說故弟子等說云證也○下四印定等者五說中除佛說云四言四種說佛若印定皆名佛說若被加備設無印定亦名佛說先釋菩薩例余說云余三等也此次良心解淨名疏者天台釋也○聞持佛說等者問般若轉教對見此見聞矣

香山傳說同異如何 答彼此是異彼為大衆直說
大乘今聞佛說更傳說故○答伏難等者香山教主
是何一往伏難會釋意且順伏難意王宮說屬佛自
說也 已上
良心

淨名疏者天台付淨名經作疏名淨名疏也○阿難聞
持等者問般若轉教香山傳說是同何彼屬弟子說今
屬佛自說哉 答極難不通也私存一會彼此俱可有
與棄音若約能說當相與為聖弟子說若約相傳本說
棄為佛自口說上依與義今依奪義並不相違云○問
若介伏等者問意阿難傳說屬佛說俱是佛說也何有
伏難哉答意伏難者約一往謂經文王宮說云佛說香

山說云阿難故再往言之皆成佛說也○又下文云等
者上義為通伏難問答今義曰明說人為顯處機起問
答也○二聖者阿難目連也○又此等者正等取在座
侍女等兼等取未來衆機也
觀經玄義分傳通記卷第四見聞本終 五十一紙

享保十四配年十月六日謹摺寫

活字絕板

三緣山袋谷方國



